

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Disputatio XXVII. De transfusione peccati originalis.

[urn:nbn:de:hbz:466:1-74152](#)

Secundò: Voluntarium debet esse liberum, & in ejus potestate, cui voluntarium dicitur: sed originale non est in potestate parvolorum, ut sit, vel non sit: ergo non est ipsis voluntarium.

Respondeo ad I. Voluntarium est à principio intrinseco cum cognitione, si sit voluntarium physicum & formale, concedo; si sit terminativum & morale, nego. Vel subdistingo: Est à principio intrinseco voluntatis alienæ cum cognitione alienæ rationis, concedo; propria, ne-

go. Et sic distincto consequente, nego consequiam.

Ad 2. distingo majorem. Voluntarium personale, quod est voluntarium voluntate persona, debet esse in ejus potestate, concedo; voluntarium capitale, quod est voluntarium voluntate capitis, nego majorem. Ad hoc enim sufficit, quod sit in potestate alienus, qui est caput in natura, inquit S. D. in 2. dist. 30. q. 1. a. 2. ad 1.

DISPUTATIO XXVII. DE Transfusione peccati originalis.

Conclusa peccati originalis existentiâ, proximè discutienda sunt, quæ ad genus causa quasi efficientis pertinent: ubi primò inquiritur, quomodo fiat istius culpa traductio in posteros; Secundò: quodnam sit illud Adæ peccatum, ex quo tanquam radice morali totius humanæ naturæ originalis infectio sequitur: ubi certum quidem est, peccatum originale generatione transfundi in posteros, quam certum est, illud dari, ita definiente Concil. Milevit. c. 2. In parvulis regeneratione mundi, quod generatione contraxerunt. Et Trid. Seff. 6. c. 3. Nisi ex semine Adæ propagari nascerentur, non nascerentur iniqui; cum eâ propagatione per ipsum, dum concipiuntur, priam iniquitatem contrahant. Nihilominus magna est utrinque sententiarum diversitas, ad quam dilucidandam sit

ARTICULUS I.

Quomodo Adæ peccatum traducatur in posteros?

SUMMARIUM.

1. Duplex modus infectionis in natura humana.
2. Refutatur error, quod anima sit ex traduce.
3. Causa infectionis originalis non est concepcionis cum ardore libidinis.
4. Sententia communis, quod generatio sit conditione sine qua non.
5. Non satisfaci doctrina S. Thomæ.
6. Sententia quorundam Thomistarum, statuendam physicam propagationem peccati,
7. Impugnatur.
8. Illius fundamenta solvuntur.
9. Nostra & Thomistica sententia
10. Probatur auctoritate D. Anselmi:
11. Et D. Thomæ.
12. Probatur ratione.
13. Quomodo verificetur comparatio inter virtutem semen feminis ad producendam naturam, & propagandum peccatum?
14. Quod anima fiat una natura cum carne corrupta, est quid morale.
15. Quomodo verificetur illud axioma: Sicut affirmatio est causa affirmationis, sic &c.
16. Rejicitur positiva qualitas morbida in semine.
17. Semen per analogiam ad instrumenta physica dici potest instrumentum peccati originalis impropositum.
18. Diversitas, cum qua peccatum originale fuit in Adamo, & est in posteris.
19. Quo sensu omnes in Adamo peccaverint, & Adam peccet in omnibus?

§. I.

Varii modi exponendi referuntur, & refelluntur.

Notandum. Naturam humanam esse pertinato Adæ infectam, duplice modo posse intelligi, primò quoad sufficientiam, debitum & potentiam. Secundò, actu in se, & quoad efficaciam. Primum contigit, quoniam primum Adam, cuius caput, in quo totum genus humanum mortali continebatur, peccavit: tunc enim inducit est necessitas ac debitum actu contrahendi peccatum originale omnibus individuis, quæ natura via generationis ex Adamo nasceretur: alterum vero tunc contingit, quando individuum natura humana per actum generationis ab Adamo propagatur, & anima corpori sic generata infunditur. Quæstione igitur non in priori sensu quoad sufficientiam, sed in posteriori quoad efficaciam & actualiter peccati contractionem infinita

Censuerunt aliqui primò duce Terrulliano, ut habetur apud S. Augustinum, l. de hæres. 66. b. 1. 10. de Genes. ad litt. c. 23. ideo à parvulis contrahi peccatum originale, & quod anima

anima esset ex traduce, h. e. quod anima filii esset producita, vel ab animi patris, vel virtute seminis. Contra quem errorem pugnat in primis definitio Concilii Lateran. sess. 2, quod singulis hominibus anima a DEO infundatur. Secundò, quod anima tanquam spiritualis substantia sit incapax alterius productionis, quam creationis ex nihilo. Tertiò, quod in hoc errore needum salverat propagatio peccati originalis, siquidem peccatum originale non est productivum alterius peccati, & ex Christianis parentibus, quibus per baptismum jam remissa fuisset culpa originalis, non posset nasci proles infecta illo peccato.

Secundò. Quorundam fuit opinio, ex eo capite a parvulis contrahi peccatum originale, quod concipiuntur cum ardore libidinis, cuius fundamentum sumpererunt ex dictis D. Augustini l. de nupt. c. 24. & alibi. Item Venerab. Beda in l. qq. q. 14. dicentium, prolem contrahere originale peccatum, quia gignitur cum libidine & concupiscentia.

Sed contra est primò, quod aliqui sancti magis oratione, quam volupate concepti legantur. Secundò, quod in illa libidinosa volupate nulla possit ostendit virtus vel physicè vel moraliter causativa peccati. Tertiò, quod eadem delectatio comitetur actum generationis, quem multo post tempore primum sequitur infusio animæ rationalis. Sancti PP. adducti non loquuntur de ardore libidinis tanquam causa, sed tanquam signo peccati originalis, ex quo bene colligitur, prolem generatam contrahere peccatum originale.

4. Tertiò, communis apud RR. sententia dicit, peccatum ideo ab Adamo causari, & transfundī in posteros, quod eorum generatio fiat virtute seminis ab Adamo mediatè decisi, quā generatione positā, tanquam conditionē sine qua non haberent necessitatem contrahendi originale peccatum, etiam Adæ peccatum moraliter recipiunt.

Prior pars probatur autoritatibus Tridentini & S. Script. pro existentia peccati originalis supra adductis, è quibus habetur, quod homines nisi ex Adamo propagarentur, non nascerentur iniusti. Unde & D. August. l. 2. de Gen. ad litt. c. 20. & 21. dicit, Christum non fuisse decimalum in Abraham, quia non processit viam seminali ab Adam. Et ratio est: In tantum ab Adamo transfunditur originale peccatum in posteris, in quantum Adam erat eorum caput in transfundenda iustitia originali: sed ad hoc fuisset necessaria eorum generatio virtute seminis ex Adamo mediatè latè decisi: ut habeat S. D. q. 100 a. 1, ergo etiam ad hoc, ut peccatum Adæ causet in posteris originale peccatum, necesse est, ut eorum generatio fiat virtute seminis ex Adamo decisi.

Secunda pars probatur: quia quod applicat subiectum agenti, habet se, ut conditio sine qua non: sed generatio applicat hominem actuali peccato Adæ, tanquam in ipso moraliter causanti originale peccatum: ergo habet se velut conditio sine qua non.

§. II.

Sententia Salmanticensium.

Hec expositione vera quidem est, sed non adhuc quate satisfacit doctrinæ Doctoris Angelici,

R. P. Merz. Theol. Schol. Tom. II.

qui hic q. 83. a. 1. in c. in generatione hominis non solum conditionem sine qua non, sed etiam concursum instrumentalem ad transfundendum originale peccatum agnoscit. Sic enim inquit: Peccatum ergo originale omnium hominum fuit quidem in ipso Adam sicut in prima causa principali, secundum illud ad Rom. 5. In quo omnes peccaverunt. In semine autem corporali est peccatum originale sicut in causa instrumentalis: quod per virtutem activam feminis traducitur in problem fimal cum natura humana. Et ad 2. Peccatum originale causatur ex semine, sicut ex causa instrumentalis; non autem oportet, quod aliquid sit principialis in causa instrumentalis, quam in effetu, sed solum in causa principali, & hoc modo peccatum originale primo modo fuit in Adam, in quo fuit secundum rationem actualis peccati. Ex quo textu inferunt, &

Docent quartò Gonett & Salmantic. tract. 13. de pecc. di p. 14. dub. 3. n. 61. peccatum originale causari, & traduci physicè ab Adamo actualiter peccante principaliter, à semine vero per generationem instrumentaliter, in quam sententiam allegant D. Bonavent. in 1. dist. 3. a. 1. q. 1. Alvarum aliquosque

Ratio est primò. Causa, quæ executivè, mediante instrumento, ponit effectum, physicè concurrit ad illum: sed Adamus executivè, mediante instrumento juxta allegata ex S. D. ponit in nobis originale peccatum: ergo physicè ad illud concurrit.

Confirmatur exemplo ejusdem S. D. I. cit. in c. Hoc modo ex voluntate primi parentis peccatum originale traducitur in posteris per quandam generativam motionem, sicut ex voluntate alicuius hominis derivatur peccatum auctale ad alias partes eius &c. Subsumitur: atqui causalitas voluntatis in derivando peccatum ad alias partes hominis, ut ad appetitum sensitivum &c. non est moralis, sed physica ex vi proprii & realis influxu: ergo similiiter causalitas Adami in traducendo ad posteros originale peccatum debet esse physica.

Secundò. Originale peccatum est effectus ex Adami peccato, vel physicè vel moraliter causatus. Non moraliter, quia causa moralis mediaante aliena voluntate causal effectum: atqui peccatum Adami nullà aliâ voluntate, sed solum mediante instrum. ento product effectum: ergo peccatum Adami non moraliter sed physicè ponit peccatum originale in posteris.

Tertiò. Eo modo transgressio Adami causat in nobis peccatum originale, quo causavit habitualem peccatum in ipso Adamo: sed in ipso causavit physicè: ergo & in nobis. Major constat: quia etiam in nobis peccatum originale est terminativè voluntarium ex transgressione Adami, sicut peccatum habituale resultans in ipso Adamo; & ut dicatur, peccatum originale in nobis non est aliud, quam peccatum primum habituale Adami. Minor quoque probatur: Causa physicè causans actum incompossibilem cum aliqua forma, etiam physicè causat privationem illius formæ, sicut ignis physicè causans calorem in aqua, physicè causat privationem frigoris oppositi: sed voluntas Adami physicè causabat actum incom-

incompossibilem cum justitia originali: ergo physicè causabat ejus privationem, quæ in Adamo erat peccatum habitualis, in nobis est originale, modo inferius exponendō.

7. Verum hæc sententia, nisi physica causalitatis nomine velit abutiri, & facere questionem de nomine, sustineri difficultate potest. Contraria enim est primò, quod peccatum sive actuale sive habitualis est extra totam lineam entitatis, & causalitatis physicae, habetque non principium effectivum, sed defectivum, cùm alias necessariò requireret influxum & concursum cause primæ, qui impli-
cat; unde nec in Adamo datur virtus physica principalis, nec in semine instrumentalis ad productionem peccati, & sicut peccatum actuale quod rationem formalem tantum admittit causam defectivam moralem, sic multò magis peccatum habitualis, quod est moralis sequela illius. Idque maxime locum habet in peccato originali; neque enim Adamus actualiter peccando aliter potest esse causa, quod posteri incurvant originales peccatum, nisi quia ipse erat caput humanæ naturæ continebat omnium nostrum voluntates; atqui illa continentia erat merè extrinseca, & moralis, non physica alicujus intrinsecæ virtutis; ergo etiam non nisi moraliter potuit causare peccatum originale in posteris.

Secundò. Ut ab Adæ peccato physicè propagaretur originale peccatum, deberet illud in se, vel in aliqua physica virtute existere: atqui peccatum Adæ non est in seipso, ut patet; non in aliqua virtute physica, neque enim in semine est aliqua virtus physica, quam ad productionem naturæ; utraccam, quod implicet virtus physica productiva peccati formaliter; ergo peccatum originale physicè non propagatur ex Adæ peccato.

Tertiò. Si peccatum Adæ esset causa physica transmutationis culpa originalis, tunc istud haberet vel ex sua natura, vel ex elevatione Divina, vel vi pacti, quo Adam constitutus est caput totius naturæ humanae: sed ex nullo horum. Non ex sua natura, ut per se patet; cùm alias non esset major ratio de uno peccato, quam de altero. Non ex elevatione Divina, alias DEUS est specialis causa peccati originalis, quod implicat. Non vi pacti, quia per illud voluntas Adami non physice fuit immutata, sed moraliter.

8. Neque urgent in contrarium adductæ ratios. Nam ad 1. distinguo majorem: Causa, qua mediante instrumento physico ponit effectum, causat illum physicè, concedo; instrumento tantum morali, nego majorem: sed Adamus mediante semine tanquam instrumento morali, causat peccatum originale, concedo; physico, nego minorem, & consequentiam.

Ad confirmationem, nego subsumptum, & re-
torquo: causalitas voluntatis in derivando peccatum ad alias partes, quad formale, non est physica, & effectiva, sed moralis & defectiva: ergo similiter causalitas Adæ peccantis in derivando peccatum originale in posteris. Quoad formale, inquam, nam si sermo sit de materiali, argumentum vagatur extra scopum.

Ad 2. patet ex dictis: Peccatum originale es-
se effectum moralem. Ad ejus impugnationem,

nego majorem, quæ tantum valet in causa morali, positiva & meritoria, vel demeritoria, non ad quacunque defectiva & privativa; unde & respectu puræ omissionis voluntas, nullæ alia voluntate mediante, est causa moralis, non physica.

Ad 3. nego minorem, & retorquo, peccatum habitualis formaliter, tanquam sequela aequalis peccati formaliter non habet physicam sui causam, sed moralem: ergo multo magis peccatum originale.

§. III.

Nostra sententia.

Orandum. Angelici Doctoris probabilem doctrinam esse, quod cum Adamo data fuisse justitia originalis non tantum perficitur, sed etiam pro posteris sub conditione, si in innocentia & observantia legis Divinae perseveraret, ipsius secundi virtutem quoque supernaturalem fuisse inditam, ita ut per ipsam naturalem generationem una cum natura etiam justitiam originalem propagare posset: idcirco semine ipsius per supernaturalem virtutem inditam fuisse elevatum, ut non tantum esset instrumentum naturale in ordinem communicandam & propagandam naturam, sed etiam supernaturale instrumentum in ordinem communicandam & propagandam justitiam originalem: quam virtutem supernaturalem Adamus peccando amiserit. Ita indicat S. D. q. 4. de male a. 1. ad 9. dicens. Ex peccato primi parentis dejustitia est caro ejus illa virtus, in ex ea pista decidi semen, per quod originalis justitia in aliis propagaretur. Quo posito sit.

CONCLUSIO. Traductio peccati originis fit per hoc, quod anima connaturaliter unius corporis ex corrupto seruire descendens: ejus corruptio formaliter consistit in privatione illius vigoris, quem habuisset ad propagandam justitiam originalem, si Adam non peccasset. Videatur esse doctrina D. Anselmi illa verba Plal. 50. In iniquitatibus conceptus sum &c. sic explanantur: Hoc modo de immundo semine, & in iniquitatibus & peccatis concipi potest homo in utero, non quod in semine immunitus sit peccatis, aut peccatum, sive iniquitas, sed quia ab ipso semine, & ipsa conceptione accepto homo necessitatem, ut, cùm haberet animam rationalem, habeat peccati immunitatem.

Ubi nota necessitatem contrahendi immunitatem peccati à S. D. tribui semini tanquam causa per Tò ab ipso, non utique ut causa principalis, ergo ut instrumentalis; non ut physica, priori S. probavi, ergo ut moralis. Sed quomodo ut moralis? nisi quia parentia vigoris in semine connotat peccatum Adami tanquam causam moralis, ex quo illa parentia non est tantum naturalis, que ipsi physicè etiam in statu puræ naturæ competenter, sed insuper privativa, quod tantum habet in statu naturæ lapsæ.

Prima pars conclusionis habetur ab Angelico, Doctore hic a. 1. a. 2. Ex hoc fratre, qui natus confors culpa primi parentis, quod naturam ab initio soritur, per quamdam generativam motionem, q. 3. de pot. a. 9. ad 3. Humana natura traducta a parente in filium per traductionem carnis, et postmodum anima infunditur, & ex hoc infusione incurrit, quod sit cum carne traducta una natura, &c.

Secunda

Secundam quoque partem habet primum cit. q. 4. de malo. Hæc subjungens: Et sic in semine defectus corruptionis moralis, & quadam intentione ejus: sicut dicimus, intentionem coloris esse in aere, & intentionem animæ esse in semine. Et ex hoc etiam est ibi virtus ad similem imperfectionem, sicut est ibi virtus ad productionem humanae naturæ in prole generata.

12. Ratio totius conclusionis est. Ut anima peccatum originale contrahat vi naturalis generationis, prout distinctè S. D. affirmat, non aliter potest verificari, quām quia limitatur ad corpus, & sit forma corporis generati ex infecto semine, ideoque destituti vigore justitiae originalis: sed corpus ideo est generatum ex infecto semine, quia per peccatum Adami semen destitutum illâ virtute instrumentali unâ cum natura propagandi innocentiam & justitiam originalem, quam habuisset, si Adam non peccasset: ergo propter istum privatum defectum feminis traducitur, & transfunditur in posteros peccatum originale. Major inde probatur: quia anima non potest infici à corpore generato, quæ ipsius corpus in animam agendo suam infectionem communicaret: ergo tantum per hoc, quod forma corporis, scilicet anima ad corpus infectum limitetur. Uti docet S. D. in 2. dist. 30. q. 1. a. 2. ad 5. his verbis: Cum anima non possit infici nisi per infectionem corporis, non quasi corpore agente in animam, sed per quamdam collimitationem unius ad alterum, quia forma recipitur in materia secundum conditionem ipsius materie, cum omne, quod est in altero, sit in altero per modum recipientis: & ideo ex hoc ipso, quod corpus illa virtute privatur, qua perfecte erat subiectibile anime, sequitur etiam, quod anima illâ virtute careat, quia perfecte corpus subditum regat. Et talis defectus originalis justitia est calpa nature, prout confidatur consequens ex voluntate alicujus habentis naturam, ex quâ natura traducta est. Hæc S. D.

13. Dices. Ex hoc evincitur, vi generationis etiam physice propagari peccatum originale: nam S. D. cit. ex q. 4. de malo facit comparationem inter virtutem feminis ad imperfectionem post peccatum Adæ, & inter virtutem ad productionem humanae naturæ: sed ista est physica: ergo & illa.

Respondeo 1. Illo ipso loco hanc virtutem vocari ab Angelico Doctore defectum corruptionis moralis: ergo non est aliquid physicum, sed morale.

Respondeo 2. In hoc esse comparationem & similitudinem, quod uti necessariò natura sequitur ad virtutem feminis, sic etiam inquinatio naturæ per peccatum originale necessariò sequitur ad corruptionem feminis: in exercitu vero esse latam disparitatem: nam natura sequitur productivè, physicè, positivè ex physica & politiva virtute instrumentalis feminis, peccatum vero sequitur privativè per solam resultantiam moralis, ex defectu morali & privativo feminis, qui non nisi aequivocè virtus dicitur.

14. Instas. Ex hoc anima traductivè infectionem incurrit, quia sit cum carne traducta una natura, & ad eandem limitatur: sed sit una natura cum

carne, & ad eandem limitatur physicè: ergo traductiva infectio animæ sit physicæ.

Respondeo distinguendo majorem, quia fit cum carne traducta ex semine moraliter corrupta una natura, concedo; cum carne traducta ut sic, nego. Sed physicæ fit una natura cum carne traducta ut sic, concedo; ut traductio dicit defectum corruptionis moralis in semine, nego minorem & consequentiam.

Aduic inquis cum Gonett. Sicut affirmatio est causa affirmationis, ita negatio est causa negationis: sed vigor, quem Adamus indicum habebat in semine, fuerat physicæ productivus justitiae originalis in posteris: ergo ejus privatio in semine etiam physicæ concurredit ad privationem justitiae originalis in posteris.

Respondeo, praescindendo ab illa quæstione, 15. an ille vigor in semine fuerit physicæ productivus justitiae originalis, quod negat Contensonius non ignobilis Thomista, hoc ipsum argumentum solendum esse ipsi Gonetto in materia de auxiliis, ubi hō ipso argumento Adversarii conantur revertere intrinsecam efficaciam gratiæ, sic enim inquit: DEUS per gratiam efficacem est causa actus boni: ergo per ejus subtractionem erit causa, quod actus bonus non elicatur, vel actus malus eliciatur, cum sicut affirmatio &c. Quod igitur ipse illo loco, hoc ipsi reponimus in præsentia. Et quidem primo. Sicut affirmatio &c. sic negatio est causa negationis, ut est negatio, concedo; ut est privatio, nego: ergo privatio vigoris in semine physicæ concurredit ad privationem justitiae originalis, ut est negatio, concedo, hoc ipso quippe, quod nulla adhuc causa physica producens justitiam, etiam physicæ abest ipsa justitia; [quod ipsum tamen potius est non concurrere physicæ ad ponendam justitiam, quām physicæ concurrere ad ponendum defectum justitiae] ut est privatio, sic nego; sic enim est absentia pùre moralis connorans debitum morale inessendi, unâ cum causa morali, voluntate scilicet capititis, & capitali peccato Adami.

Secundo. Sic negatio est causa negationis, si terminus sit capax ejusmodi causalitatis, concedo; si non sit, nego. Justitia quidem originalis est capax productionis physicæ, cum sit forma physica: atque privatio illius justitiae non est capax, cum sit absentia pùre moralis, prout est privatio.

§ IV. Corollaria.

Iñferes primò, fidelitatem esse non solum omnem 16. morbidam qualitatem, sed etiam quamcumque positivam virtutem seu qualitatem instrumentalem fluentem feminæ superadditam, vi cuius sit traductivum, peccati originalis: nam ejusmodi virtus aut qualitas, vel esset naturalis, vel esset supernaturalis. Non naturalis, quia nulla qualitas corporea naturalis in spiritualem animæ substantiam agere potest. Multò minus supernaturalis, quia implicat, à DEO tanquam principali & speciali agente produci virtutem per se causativam peccati. Adde, quod, cùmpeccatum originale juxta proximè dicenda formaliter

consistat in privativo, non requirit majorem virtutem sui communicativam, quam privativam, qualis ex S. D. est carentia illius vigoris productivi justitiae originalis.

17. Inferes secundò: Per analogiam ad instrumenta creata dici posse, quod semen sit instrumentum peccati originalis: juxta S. D. q. 83. a. 1. in c. quia sicut propter vigorem propagativum justitiae originalis in statu innocentiae semen fuisset instrumentum positivum ipsius: sic, quia propter defectum privativum hujus vigoris, homo concipitur peccato originali iniquitatus, & originali justitiae destitutus, recte dici potest instrumentum privativum peccati originalis.

18. Inferes tertio: Peccatum originale aliter fuisse in Adamo, aliter in nobis: nam in illo fuit personale, & capitale simul; personale, quatenus proprià voluntate commissum; capitale, quatenus commissum voluntate capitatis, adeoque moraliter voluntate omnium posteriorum: quo modo etiam ab aliis vocatur peccatum originis. Prout verò in nobis intrinsecè reperitur, sic proprie originalē dicitur; capitale etiam non activè, tanquam in alios derivabile, sed passivè, tanquam à capite in membra derivatum.

19. Inferes quartò: Quo sensu dicat Apostolus, *omnes in Adam peccasse?* Non enim significatur omnes homines formaliter in Adamo peccasse; sed Adamo peccante tanquam capite totius generis humani, omnibus membris ejusdem generis humani impostam fuisse necessitatem & debitum in primo instanti suæ originis & conceptionis actu contrahendi eandem labem & malum, quam Adamus in sua persona contraxerat. Sed etiamne rectè dicitur Adam in nobis peccare, quando in originali peccato concepimus? Respondeo affirmativè. Hoc enim loquendi modo utitur S. Ecclesia in approbatō officio de Immaculata Concepcionē dicens, *Te pulchram ornavit sibi sponsam, in qua Adam non peccavit:* adeoque supponit, in aliis hominibus non exceptis Adamum peccare. Cujus tamen di-

cionis alias sensus esse non potest, quamquod primum Adæ peccatum tanquam causa mortalis per feminam propagationem actu applicetur ad producendum effectum moralem culpe originalis in posteris primum conceptis.

Si dicas. Peccatum Adæ jam fuisse remissum, & extinctum: non ergo amplius habere mortalem influxum. Respondeo fuisse remissum & extinctum, ut erat personale, non ut erat capitale; sic enim virtualiter remansit in privatione vigoris, qui prius erat in carne, & femme Adam.

Inferes quintò: Etsi personale peccatum Adæ, seu capitus sit causa moralis reperiūt peccati originalis in posteris contracti, non tamen esse causam demeritoriam ipsum: quia demeritum relativè non respicit culpam, sed penam: atque peccatum originale est vera culpa secundum prīus dicta, non poena peccati: ergo à peccato Adami non respicitur, vel causatur demeritum. Secundò causalitas demeritoria ponit effectum mediante aliqua voluntate e. g. poena causatur à peccato demeritorie, quia peccus præbet DEO fundamentum justæ indignationis & punitionis: sed culpa originalis cauatur in pavulo nulli mediante alienā voluntate: ergo non demeritum, quomodo ergo peccatum originale causa moraliter?

Respondeo, in quantum in ipso conceptioni instanti, quo anima corpori ab Adam per feminam propagationem generato infunditorum, simul moraliter resulstet, seu inest anima macula peccati, ipsi debita propter Adami peccatum, quodat peccatum capititis, & totius di-

Fuit tamen Adami peccatum causa demeritaria directa respectu penalium effectuum, quoniam lapsus comitantur, sicut etiam indirecta causa demeritoria plurium peccatorum in quantum propter originale peccatum subtrahitur abundantia auxiliariorum, & gratiarum, quibus hominis voluntas firmaretur in bono, & retrahetur à malo, ex quo per accidens contingit frequentior lapsus in peccata.

ARTICULUS II.

Quodnam Adæ peccatum sit causa transmutationis in posteris:

S U M M A R I A.

1. Plures malitia concurrentes ad peccatum Adami.
2. Peccatum inobedientia traducitur in posteris.
3. Quodlibet primum peccatum fuisse transmutandum.
4. Ostenditur ex D. Th. & ratione.
5. Fundamenta sententia negantur.
6. Exponitur mens SS. Patrum.
7. Comminatio mortis implicitè fuit conjuncta etiam transgressioni preceptorum naturalium.
8. Cur comminatio mortis explicitè adjuncta compositioni?
9. Peccatum superbie fuit prius natura, quam peccatum inobedientia.
10. Alia peccata Adami non transmutant in posteris.
11. Eva sola peccando non nocuisse generi humano.
12. Siqui liberi ab Adamo ante lapsum natus geniti, non traxissent originale peccatum.
13. Etiam internum peccatum inobedientia fuisse traductum.
14. Peccata proximorum parentum non transmutantur.
15. Qui miraculosè formaretur ex carne humana non contraheret originale peccatum.

§. I.

Statuitur Sententia Thomistica.

Suppono primo. In lapsu Adami plures malitia ac deformitates interveniunt, ut habet S. D. q. 82. a. 2. ad 1. puta superbia, gula, inobedientia, quarum tamen præcipua & actu consummata fuit malitia inobedientia, ut est Scriptura Concilii constat. Unde

2. Suppono secundò. Hoc primum Adæ peccatum, quod erat inobedientia contra præceptum positivum DEI, non comedendi de ligno scientia boni & mali, esse illud peccatum, quod in posteris traducitur. Ita enim constat ex A postolo ante citato Rom. 5. *Per unius hominis inobedientiam, &c.* Et ex Trid. Sess. 5. de pecc. orig. ubi decernitur, peccatum, quo Adam postveritatem nostram fuisse prevaricationem, & transgressionem Divini mandati, pro qua DEUS mortem comminatus fuerat, inobedientia peccatum, &c.

Quæstio igitur est, an hoc peccatum inobedientia fuerit originale, & traducendum in posteris, quatenus erat inobedientia contra præceptum positivum, habens adjunctionem comminationem mortis, vel quatenus erat primum peccatum ipsius, ita, ut si alio quocunque peccato sive interno sive externo iustitiam amiseret, illud æquè fuisset in posteris transmittendum? Negativam tenent Aelenius, Catharinus, Suarez, Amicus, & plures RR. Affirmativa est conformior S. Doctori, quam tenent Gonett, Godoyus, Salmanticensis, & communis Thomistam. Unde fit

3. CONCLUSIO. Inobedientia Adami fuit peccatum originis non precisis quia fuit peccatum inobedientia, sed quia primum, ita, ut si aliud prius peccatum commisisset, etiam per illud totam humanam naturam vitasset.

Probatur clara à autoritate S. D. in 2. dist. 21. q. 2. a. 2. ad 2. dicentis: *Hoc idem, [nempe corruptionem naturæ] etiam sequentia peccata fecissent, si talen naturam [hoc est integrum] invenissent.* Item dist. 33. in fi. in expos litt. inquit: *Quocunque autem aliud peccatum fuisset hoc modo primum, etiam similem effectum habuisset, sive fuisset peccatum operis, sive voluntatis.* Præcipue ad Annibald. in 2. dist. 2. q. un. a. 4. ad 2. *Quocunque peccatum mortale in flatu innocentie commisum fuisset, idem esset secutum, propter hoc quod tota natura humana erat in primis parentibus, & per primum peccatum mortale corruptio gratia facta fuit.*

4. Probatur secundò ratione in adductis textibus indicata. Ideo peccatum inobedientia de facto traducitur in posteris, quia per illud facta est corruptio gratia, & ablatio iustitiae originalis: sed hoc fuisset factum per quodlibet peccatum, quantumvis internum, & sola mente commissum; ergo.

Probatur tertiod. Si Adamus posterior per alterius peccati commissionem non amiseret iustitiam originalem, tunc potuisset illam propagare in posteris: consequens est falsum: ergo. Minor probatur: tum quia non poterat propagare, quod ipse non habuit: tum quia haec propagatio juxta S. Doctoris doctrinam debuisset fieri per vi-gorem instrumentalem existentem in semine; sed hunc non habuisset, siquidem dependebat à gratia & iustitia originali, quam peccando amisit.

§. II.

Solvuntur Objectiones.

5. Objic. Illa, quæ dependent à sola voluntate DEI, non nisi per S. Script. Concilia, & Patrum testimonia nobis innotescunt, quemad-

modum Thomistæ in Tract. de Incar. argumentantur: sed S. Script. Concilia, & Patres non loquuntur de ammissione iustitiae originalis, & transmutatione malitia propter quocunque peccatum, sed propter peccatum inobedientiae in comminatione fructus prohibiti: ergo non propter aliud quocunque peccatum fuisset in posteris transfundenda malitia peccati, & perdenda iustitia originalis. Minor probatur, quia decretum Divinum de ammissione iustitiae originalis pro se, suisque posteris Adamo indicatum solidum continetur in illa comminatione, *Quicunque die comedieris, morte morieris;* quæ comminatio, ut paret, soli comminationi de ligno vetito fuit conjuncta. Neque Concilia & PP. alias causam peccati originalis, quam inobedientiam Adami allegant.

Confirmatur 1. Illud solum peccatum fuit causa transmutationis culpæ originalis in posteris, quod fuit causa, ut morte corporali morerentur: sed hoc fuit solum peccatum comminationis, quia nulli alteri peccato fuit adjuncta comminatio, & pena mortis.

Confirmatur 2. Leges odiosa sunt restringendas: sed lex de ammissione iustitiae, & transmutatione peccati in totam posteritatem est odiosa: ergo est refringenda ad solum peccatum, de quo DEUS in S. Script. mentionem facit, non ad alia excedenda.

Confirmatur 3. Illud solum peccatum Adami potuit transfundiri in posteros, quod fuit peccatum capitii, non quod fuit peccatum personæ: sed sola comminatio fructus prohibiti fuit peccatum capitii: ergo. Minor probatur: Adamus non habebat ex sua natura, ut esset caput morale totius generis humani, sed solum ex pacto, seu decreto Divino: sed hoc ut autem dictum, tantum erat de non comedendo de ligno scientia boni & mali: ergo solum circa obseruantiam, vel transgressionem hujus præcepti Adamus habebat rationem capitii: alia vero quæcumque peccata tantum fuissent peccata personæ.

Confirmatur 4. Si primum Adæ peccatum fuisset transfundendum in posteros, tunc non tam peccatum inobedientiae, quam superbia & gula transiret in posteros: sed hoc est contra Script. Concilia, & PP: ergo. Sequela probatur. Pridie peccavit Adamus inordinato appetitu scientia, & similitudinis cum DEO, quam Serpens promiserat, nec non inordinato appetitu fructus, quem viderat pulchrum & delectabilem ad vestendum, quam comedenter de illo fructu: ergo: si primum peccatum fuit peccatum originalis, illud potius fuit peccatum superbiae, & gulae, quam inobedientiae.

Respondeo, distinguendo minorem, Script. & Conc. & PP. loquuntur de transmutatione peccati propter inobedientiam, tanquam causam unicam de facto positam, & primum peccatum Adami, concedo: tanquam causam unicam possibiliter hujus transmutationis secundum praesentem rerum ordinem, & in casu, quo aliud peccatum fuisset primum, nego: ergo solum peccatum Adami poterat esse causa transmutationis de facto, ex suppositione, quod fuerit primum, concedo: de possibili, & ex suppositione, quod aliud ipsius peccatum esset primum, nego consequentiam.

Ad

7. Ad probationem etiam distinguo minorem. Comminatio mortis incurrenda fuit conjuncta soli cometioni de ligno verito explicitè, concedo; implicitè, nego. Fuit enim ipsi conjuncta, quatenus erat transgressiva mandati. Unde à fortiori etiam non quidem explicitè, sed tamen implicitè fuit conjuncta transgressioni mandatorum naturalium & Divinorum, qua forius ligabant. Ita habet S. D. in 2. dist. 33. in expposito textū. *In hoc ostenditur, quod etiam si alia peccata commisisset, similem panam sustinuisse, quasi à minori ad majus: gravius est enim praeceps praeire legi naturalis, quo prohibetur id, quod in se est malum, quam praeire praeceptum disciplina, quo prohibetur, quod non est malum, nisi quia prohibitum.* Ex quo patet responsio ad primam confirmationem: quia etiam aliis peccatis fuit adjuncta comminatio mortis implicitè.

8. Ad 2. confirmationem, distinguo majorem. Lex odiosa est restringenda ab illis, ad qua intentione legislatoris & ratio legis non se extendit, concedo; ad qua se extendit, nego. Si petas: cur ergo spesialiter & explicitè comminatio mortis fuerit adjuncta cometioni? Respondeo: quia, cum illa de se non esset mala, per adjunctam peccatum debuit innotescere, quod esset mala, & destrutiva justitiae originalis.

Similiter ad 3. confirmationem nego minorem, & probationem distinguo. Decretum Divinum tantum erat de non comedendo explicitè, concedo; implicitè, nego minorem & consequentiam.

9. Ad 4. confirmationem nego sequelam, ejusque probationem distinguo. Adam peccavit peccato superbiae prius naturā, concedo; prius tempore, nego. Nam ipsum peccatum inobedientia initium sumpsi ab inordinato appetitu excellendi, juxta illud Job. 4. *In ipsa initium sumpsi omnis perditio, ideoquā internum peccatum superbiae tanquam motivum in genere causa finalis praecessit, tota tamen peccati malitia consummata fuit in actu externo inobedientiae comedendo fructum prohibitum.* Unde adhuc primum completum Adamus peccatum, quamvis ex variis malitiis partialibus conflatum, fuit peccatum inobedientiae.

§. III.

Corollaria.

10. Inferes ex dictis primò: Alia peccata Adami, quæ post primum lapsum forte commisit, aut commisisset, non transire in posteros: siquidem non sunt amplius peccata capitii, sed persona, 11. Inferes secundò: Eva peccatum, quantumvis præcesserit peccatum Adami, non tamen nocuisse, aut fuisse nocitum generi humano per transmutationem sui, si Adam non peccasset; siquidem non Eva, sed Adamus fuit constitutus caput generis humano: unde ipsius peccatum non erat peccatum capitii.

Nec officit, quod Ecclesiastici 25. dicitur: *A muliere initium factum est peccati; hoc enim intelligentium de inicio occasionis & suasionis, non*

de principio transmutationis, docet D. Th. i. Cor. 15. l. 3. & in 4. dist. 1. q. 2. a. 2. quadiuncula 4.

Inferes tertid. Siqui liberi ex Adamo ante ipsius lapsum fuissent concepti, vel genui, illos fuissent accepturos justitiam originalem, neque ex Adami lapsu inficiendos: quia fuissent genui ex semine habente vigorem productivum justitiae, & Adamus respectu illorum ratione tammodo hominum habuit rationem moralem capitatis, qui adhuc in ipsius lumbis continebantur, & via naturalis generationis ex ipso propagaverantur.

Inferes quartid. Etiam si peccatum inobedientia in sola interna voluntate Adami permanesisset, & non processisset ad opus externum, eodem modo fuisset propagandum in posteris, sicuti modò est propagatum, cum Adamus comedendo de fructu prohibito inobedientiam opere externo complevit: quia opus externum habet suam malitiam ab actu interno, per quem secundum primum dicta Adamus suam innocentiam perdidisset.

Inferes quintid. Peccata proximorum parentum non transfundi in posteros, unde si Adam in justitia perseverasset, peccante Caino ipsius filii non contraxissent originale peccatum, prout colligitur ex Apost. ad Rom. 5. *Vnde Iohannes Adam tanquam capitii de illo multi mortui sunt, & pro inobedientiam unius peccatores confituntur sunt mortui.* Unde D. Antelmus lib. de Concept. Virg. c. 23. *Quoniam nullus post Adamum potuit filius suis justitiam servare, nullum video rationem ex proximorum parentum peccata filiorum abeant animabus imputari.*

Sed opponitur difficultas textus ex D. Th. q. 5. de malo a. 4. ad 8. *Si aliquis ex posteri Adam peccasset, eo non peccante, morevere quidem proper suum peccatum actualē, sicut Adam mortuus fuit; sed posteri eius moreverentur proper peccatum originale.*

Respondent aliqui, hanc sententiam hic a. 4. fuissent retractata. Gonett existimat, opinionem D. Thomæ fuisse, quod DEUS, si noluisset Adam peccatum permettere, alium ex posteri Adam constituisse pro capite morali fuerum defecientium, sicque posteri proper originale peccatum fuissent mortui, de quo tamen nihil certi.

Inferes sextid. Si quis hominum ex humana carne miraculose formaretur, adinstar Eve, ita ut per seminalem propagationem non descendatur ex Adamo, non contracturus labem originariam: tunc enim, inquit S. D. h. c. 4. ad 3. *Eisti in Adam secundum corpulentiam substantiam non secundum seminalem rationem: quod etiam merendi debet ad eum, qui nascereatur miraculose solo semine, aut sanguine mulieris: tum quid illud in plurim sententia tantum passivè, tum quod saltus minus principaliter concurat ad generationem prolis.* Secundum dicendum de proprie, quæ ex solius viri semine ad matrem multo latè conciperetur, tunc enim verò orum traheret ex Adamo.

DISPU.